

Minister President Mike Eman:

Cumbre exitoso y habri entre tur minister y fraccion completo

A Trece Hopi Informacion, Fortifica Union Y Confirma E Compromiso Comun Pa Futuro

ORANJESTAD - Diabier-
na henter dia Minister
di Gabinete Mike Eman II
hunto cu henter e fraccion
di AVP a tene un cumbre
pa analisa progreso di
maneho di Gabinete Mike
Eman I y II, e comunica-
cion y coordinacion inter-
no y e trabaoan cu tin pa
haci pa futuro.

E cumbre aki a wordo teni na
dr. Edward Cheung Center
for Innovation di mainta 8.00
te cu 5'or di atardi. E pro-
grama a inclui presentacion
di SVB di e reformaton cu a
rescata e fondo di pensioen
di nos grandinan. Reformaton
cu a wordo realiza durante
Gabinete Mike Eman I y II.
Director di SVB, ing. Edwin
Jacobs a splica e nificacion
grandi di e reforma aki y nan
importancia pa futuro di e
fondo. Prome Minister Mike
Eman a accentua cu esakinan
lo no tabata posibel sin coop-
eracion di tur e partnernan
social den e Dialogo Social
cu a yega na e palabra-
cionnan importante aki. El a
mustra riba e importancia di
sigui crea confiansa y coop-
eracion entre tur sector di nos
comunidad. E resultadonan
di Dialogo Social a demostra
e importancia di crea sosten
amplio y trece tur sector
hunto pa tuma decision riba
temanan importante aki pa
nos pais. Esaki tabata crucial
pa cambia e rumbo di nos
pais manera a sosode den e
añanan cu a pasa.

Tambe riba e reforma di
APFA cu tambe a keda salba-
door di decisionnan cu Gabi-
nete Mike Eman I y II a tuma,
expertonan di BUK Consultancy
a duna un presentacion
hopi fuerte y indicativo di e
importancia di e reforma pa
e pensionadonan y pa gobi-
erno. E reforma y e inversi-
onnan grandi cu a haci den
e fondo aki ta motibo pa e
solidez di e fondo aki awe cu
100% di cobertura y reduccion
di riesgonan financiero
pa e fondo y pa gobierno.
Esaki tambe ta danki na deci-
sionnan cu a wordo tuma cu
curashi durante di Gabinete
Mike Eman I y II.

Riba e tema di AZV, direc-
tor Anco Ringeling a mustra
con a logra temporalmente y con-
trola e crecimiento di gasto di
e fondo di AZV. E maneho
aki tabata tin consecuencia
positivo pa finansa publico.
Pa motibo di decisionnan cu
a tuma durante di e periodo



di Gabinete Mike Eman I y
II y pa motibo di decisionnan
di AZV mes, e peso di AZV
riba presupuesto di gobi-
erno a wordo reduci cu mas
di 50%. Esaki ta haci cu awe
AZV ta hopi mas fuerte ariba
su mes y alabes a kita un peso
riba presupuesto di Aruba cu
tabata for di control pa hopi
año. Tur esaki a sosode mien-
tras cu e cobertura di cuido di
salud di pueblo a keda igual y
ta sigui expande.

Impresionante tabata tambe
durante di e cumbre aki e
intercambio cu ATA. E direc-
tor Ronella Tjing Asjoe-
Croes a comparti y splica e
resultadonan impresionante
di crecimiento di turismo en-
tre 2009 y 2015. Esaki tanto
di cantidad di bishitante cu
a subi cu mas di 50% y e en-
tradanan di turismo cu tam-
be a subi substancialmente.
Retonan nobo pa turismo,
manera estadia di turistanan
na otro luganan en bes di hot-
el, tambe a wordo analisa y
discuti ampliamente.

Otro aspecto importante cu a
keda trata durante e cumbre
tabata e negociacionnan cu
CITGO. Experto di refinaria
sr. Alvin Koolman a splica
con esaki ta canando y a splica
tambe pakico CITGO tin un
interes grandi pa e refinaria
di Aruba. E importancia pa
e refinaria bay opera den un
forma 'berde' cu proteccion
di nos medio ambiente y pa
e vecindario, tambe a keda
discuti. Cifranan cu a wordo

presenta ta mustra cu reap-
ertura di e refinaria ta bay
tin un impacto economico
grandisimo pa Aruba, tanto
den entrada, empleo y di-
visa. Tur esaki lo traduci su
mes tambe den entradanan
importante pa Finanzas Pu-
blico di Aruba. E desaroyo
aki a wordo cualifica como
un "game changer" impor-
tante pa Aruba. E metanan cu
gabinetenan Mike Eman I y
II a fiha pa persisti den mas
diversificacion y crecimiento
di nos economia y creacion di
mas cupo di trabou, ta wordo
fortifica cu e reapertura di e
refinaria.

Director di Direccion di Fin-
anzas, drs. Derrick Wer-
leman a presenta e desaroyo
di Finanzas Publico di Aruba
di 2009 pa 2015 y e maneho
pa 2016, 2017 y 2018. Den e
presentacionnan aki a repasa
e impacto di e crisis di 2007
y 2008 riba Finanzas Publi-
co y tambe e ceramento di e
refinaria na 2009 y 2012. A
mustra con Aruba ta recu-
perando for di golpi finan-
ciero severo aki riba propio
forsa. E cifranan ta indica
diferente desaroyo positivo
bon cla. Uno ta cu Aruba
awor a drenta un fase, cu e
resultadonan di e maneho
di Gabinete Mike I, di en-
foca prome riba recuperacion
economico, recuperacion di
poder di compra y reforma
di e fondonan di Pensioen y
di e Seguro Medico, cu tabata

forma peligernan grandi pa
Aruba, ta bira bisto. E fon-
donan no ta forma un peli-
ger mas: e pensioen di miles
di pensionado y nan famia ta
sigura, cuido medico ta segura
y a inverti den e forsa di com-
pra di miles di nos ciudada-
nonan. Tambe e producto
Aruba, den barionan, cen-
tronan di ciudad, schoolnan,
infraestructura y areanan pu-
blico nobo a conoce un me-
horacion impresionante. Un
di dos punto ta cu e maneho
di Gabinete Mike Eman II cu
e reduccion di gasto y con-
tinuacion di crecimiento eco-
nomico, ta reduciendo e defi-
cit riba presupuesto di Aruba
substancialmente te pa yega
na un 'balanced budget' den-
tro di algun año. Pa prome
bes ta mira cu e debe como
porcentahe di GDP tambe
ta cuminsa baha y pa prome
biaha lo cuminsa paga e de-
benan cu a acumula den e 30
añanan cu a pasa.

Banda di e temanan aki tabata
tin tambe un dialogo franco
y habri tambe entre Minis-
ternan y tur parlamentario
riba mehoracion di comuni-
cacion, pa coregi locual mes-
ter di coreccion y e necesidad
pa mas di e tipo di sesionnan
asina pa fiha prioridad y for-
tifica coherencia den maneho
y participacion den decision-
nan den un fase mas trem-
pan. Esaki specialmente riba
temanan nobo cu no ta cu-
bri pa e palabracionnan den
programa di partido y of den

programa di gobernacion di
Gabinete Mike Eman II.

Prome Minister Mike Eman
a keda hopi contento cu re-
sultado di e cumbre aki. El a
expresa cu tabata basta tempo
cu tur 9 minister y tur 13
parlamentario di AVP a sinta
asina largo hunto pa delibera
temanan importante pa nos
Pais. Hopi bes ora di encuen-
tronan entre Minister y parla-
mentario ta trata algun punto
specifico di un of mas Minis-
ter. No tur ora tur Minister y
tur parlamentario ta presente.
Un "midterm analyses" asina
y palabracion pa futuro cu tur
hende presente tabata sigur
na su luga, Prome Minis-
ter Mike Eman a expresa. E
Prome Minister a bisa tambe
cu ultimo simannan el a capta
e necesidad pa esaki tambe
for di reunionnan individual
cu e a tene cu tur minister y
parlamentario. "Mi ta hopi
contento cu e resultado di e
cumbre aki, cu e union cu el
a trece y cu e compromiso pa
sigui cu mas comunicacion
y di traha den union riba e
caminda nos dilanti. Nos tin
hopi pa ta orguyoso di dje.
Djis wak unda Aruba tabata
ora nos a asumi gobernacion
na 2009 y unda Aruba ta awe.
Pero tin cosnan pa mehora
y hopi mas ainda pa haci. Pa
esey Bo mester di coherencia,
compromiso y union inter-
no. Eseyan ta elementonan
cu a keda fortifica y sirbi cu e
cumbre aki," Prome Minister
Mike Eman a finalisa. □